



*Sabtu, 24 Februari 2024*  
**Ogen: Perbahenen Rasul 9:36b**



**Perbahenen Si Mehuli**



**S**alah sada siperluken kulanta enda gelah tetap fit ras sehat e me vitamin-C. Fungsi vitamin c erbahan dagingta ngasup ngelawan kuman-kuman si masuk ku bas kulanta bage pe erbahan kita meter madan i bas pinakit nari. Kepeken kita pe perlu vitamin-C sideban, labo man kulata tapi man pertendita. Kai vitamin-C e? **Compassion. Compassion** banci pe enda iertiken keleng ate, bentuk perbahanen ras perasaan kepate si erbahanca sekalak jelma nuduhkan kemediatenna ras mpedarat gegehna guna nehken penampat man kalak si deban.

Vitamin C jenis enda, la mesera ndatkenca. Tapi adi silakoken gegehna erlipat-lipat asangken kengasupenta erbahan si mehuli man dirinta jine. Lit sekalak serayan Tuhan, enggo piga-piga tahun dekahna ngarak-ngarak pinakit perbulangenna. I bas masa covid piga-piga tahun si lewat, baban ukur i bas ngarak-ngarak pinakit bage pe dampak sosial distancing la banci jumpa ras keluarga ras la banci ndahiken dahin sibiasana, erbahaca mulai turah frustasi, menam depresi ia. Sada wari kenca ia erpaksa teneng, sue ras kata Dibata siogena, ilakokenna bagi pedah i bas paksa teneng e, lawes ia ras perbulangenna ku tiga. Tukurna nakan bungkus 2, sipemena iberekenna man tukang sapu dalan, cirem meriah ukur tukang sapu ndai ngaloken nakan e. Nakan si sada nari iberekenna man kalak si lanai sehat ukurna, ipinggir pasar. "Man kam pa", nina man kalak ndai. "Terima kasih, buk" nina kalak singaloken nakan e, janah cirem ia. Cirem ras pengakaten bujur kalak ndai jadi tambar latih, tawar si mpegegehi serayan Tuhan e gelah tetap nggeluh erguna gia mberat baban geluhna.

La lit sia-sia perbahanen si mehuli silakoken kita, Tabitha, kalak mbalu enggo ngelakokenca, si ban ka perbahanenta si mehuli, maka e jadi vitamin man pertendita.